

中国古今医案类编

温病类

主编 鲁兆麟 严寄澜 王新佩

中国建材工业出版社

中国古今医案类编

温病类

主编 鲁兆麟 严寄澜 王新佩

中国建材工业出版社

王燕昌

一回回，年三十余岁，富而好学。初秋头痛，身疼，无汗，不渴，脐疼，左脉浮紧，右关弦数。乃感寒夹食也。用紫苏、山楂、厚朴等药，得小汗，头身疼减，而大便未解，故脐仍疼，手脚不时作冷。奈病急更医，曰：夹阴伤寒也。妄用十全大补，药入口即大烦躁，半日忽七孔出血死。

一命妇，老年，秋夜忽死忽生。诊得六脉沉细不数。乃感寒风，遏抑卫气而肺窍闭也。用四君加桂枝、白芍、麦冬、紫菀、贝母、生姜，一服愈。又一老妇，灯节后午刻，邻屋被火，惊而受风，半日死生数次。亦用前方加防风，一服而愈。又用六君加麦冬、白芍、黄芩二剂。

《王氏医存》

张晚香

寒热已有三、四日，头胀咳嗽，小渡赤，脉右寸弦浮数，当属上焦暑风，因新感风寒引起。

薄荷一钱半 白蔻壳一钱 杏仁三钱 连翘三钱 枳壳一钱半
桔梗二钱 冬桑叶一钱半 象贝三钱 陈皮八分 竹叶廿四片

肺风感冒，身已凉，舌已净，脉小数，口渴少寐，头眩痛痿，指木腰痛，呼吸腰间痛，是筋中病；大便不解已有四日，是夹有劳乏。

北沙参六钱 麦冬三钱 根生地五钱 象贝三钱 生石决明三钱
生谷芽五钱 新会皮八分 川石斛三钱 茯苓三钱 生玉竹四钱
竹叶卅片

《张晚香医案》

雷丰

古黔吴某，晚餐之后，贪凉而睡，醒来头痛畏寒，壮热无汗，气

回之兆也。症交十三日，是谓过经，乃邪正胜负关头。从此津液渐回，神气渐清，便是邪退之机；从此而津液不回，神糊益甚，便是邪进之局。正胜邪则生，邪胜正则重。仍以生津救液，冀其应手。

羚羊 鲜斛 沙参 洋参 麦冬 泽泻 赤苓 元参 蔗汁
芦根 珠黄散

又加知母、川贝。

又：甘寒清润，固足生津，亦能滋湿。向之舌绛干焦者，今转白腻，口多白沫，是胃浊上泛也。小便由于气化，湿滞中焦，气机不畅，三焦失于输化，故不饥，不思纳，小便不利也。法宜宣畅三焦。

豆卷 赤苓 猪苓 泽泻 生苡仁 杏仁 通草 竹茹 陈皮 半夏曲 谷芽 血珀五分，研末，冲服

溯按：机随湘转，妙于转环。脾肾阳气素虚，阳邪一化，阴湿即来。在脉神委顿时早防之，庶免此日波变。然不料其变之如是速耳。古方大豆卷治筋挛湿痹，苏地用麻黄汤浸，借以发汗，与此症总不相宜。

又：瘀热蓄于下焦，膀胱气痹不化，少腹硬满，小溲不利。下既不通，必反上逆，恐生喘呃之变。开上、疏中、渗下，俾得三焦宣畅，决渎流通。

紫菀 杏仁 桔梗 川朴 陈皮 赤苓 猪苓 泽泻 苏梗
血珀 通草

又照方加参须五分，煎汤调下血珀五分。外用田螺二枚，葱白一握，桃仁三钱，曲少许，麝香五厘，肉桂五分，合打烂，炖温，敷脐下关元穴。

又：温邪甫退，少腹板梗，膀胱气化无权。昨议疏泄三焦，小便仍不畅。今少腹硬满过脐，其大如盘，按之不痛，脉沉小，舌白腻，身无热，口不渴，所谓上热方除中寒复起是也。夫膀胱与肾相表里，膀胱气化赖肾中阳气蒸腾。肾阳不足，膀胱水气凝而为癃，须防犯胃冲心呃厥等变。急急温肾通阳泄水，犹恐莫及。

未罢者亦用之。然三方中之龙骨、牡蛎下皆未注有煅字，其生用可知，虽其性敛正气不敛邪气，若煅之则其性过涩，亦必于外感有碍也。且煅之则其气轻浮不能沉重下达以镇肝敛冲，更可知矣。

族侄某，年五十三岁，于仲春下旬得温病兼吐泻，腿筋抽缩作疼。

病因：素为腿筋抽疼病，犯时即卧床不能起，一日在铺中，旧病陡发，急乘车回寓，因腿疼出汗在路受风，遂成温病，继又吐泻交作。

证候：表里俱壮热，呕吐连连不止，饮水少许亦吐出，一日夜泻十余次。得病已三日，小便滴沥全无，腿疼剧时恒作号呼，其脉左部浮弦似有力，按之不实。右部则弦长有力，重按其硬，一息逾五至。

诊断：此证因阴分素亏血不荣筋，是以腿筋抽疼。今又加以外感之壮热，传入阳明以灼耗其阴分，是以其脉象不为洪滑有力而为弦硬有力，此乃火盛阴亏之现象也。其作呕吐者，因其右脉弦硬且长，当有冲气上冲，因致胃气不下行而上逆也。其小便不利大便滑泻者，因阴虚肾亏不能澆水，水归大肠是以下焦之气化不能固摄也。当用拙拟滋阴宣解汤以清热、滋阴、调理二便，再加止呕吐及舒筋定疼之品辅之。

处方：生怀山药一两 滑石一两 生杭药一两
清半夏四钱 温水滴三次 碎竹茹三钱 净青黛二钱 连翘钱半
蝉退钱半 甘草三钱 全蜈蚣大者一条，为末

药共十味，将前九味煎汤一大盅，送服蜈蚣细末，防其呕吐俾分三次温服，蜈蚣末亦分三次送服，服后口含生姜片以防恶心。

方解：方中用蝉退者，不但因其能托邪外出，因蝉之为物饮而不食，有小便无大便，是以其蜕亦有利小便固大便之力也。用蜈蚣者，因其原善理脑髓神经，腿筋之抽疼，固由于肝血虚损不能荣筋，而与神经之分支在腿者，实有关系，有蜈蚣以理之，则神经不至于妄行也。

鲜枇杷叶三钱，布包 京元参三钱，盐水炒 忍冬藤五钱 真郁金三钱
全瓜蒌五钱

香犀角一分 紫雪丹五分 二味同研，匀两次冲服。

二诊：一月十一日。

表邪已解，咽关红肿白腐均退。头痛陈作，中脘发热，胃不思纳，大便通而不畅，两脉弦滑。温邪渐解，余热未清。拟再以清泄通府。

薄荷细梗五分，后下 鲜枇杷叶四钱，布包 全瓜蒌一两
枳壳一钱，同打 粉丹皮二钱，盐水炒 鲜芦根一两，去节 真郁金钱五
青蒿梗一钱 鲜竹茹三钱 朱连翘三钱 霜桑叶二钱 忍冬藤五钱
方通草钱五

香犀角一分 紫雪丹五分 两味同研，匀两次冲服。

《泊庐医案》

周镇

屠采道，年四十余，纱厂机匠。嗜汾酒暨再造丸。丙寅三月患温病，身热。张医进辛凉清透如翘、梔、薤、蝉、鲜薄荷等，渐发斑疹，而未清营分。延至三候，胸前斑点未泯，暖气频作，少腹作痛，热在腹部。询知向有肝胃病，湿浊阻塞，气不肃降，脉象数滑，苔如饭粒嚼糜，寐醒自觉舌干欲饮。盖胃为交通之道，湿浊气积室塞，营络亦痹，故暖气不饥，二便均秘也。拟降胃通枢，宣痹化湿法。瓜蒌皮四钱，黑山梔三钱，片郁金三钱，豆卷三钱，生薏仁四钱，通草一钱，光杏仁三钱，淡竹叶三钱，益元散五钱，旋复花三钱包，降香五分，霍石斛四钱，丹皮三钱，丹参二钱，木通一钱，辰砂拌，绿豆三钱，更衣丸三钱，蜜汤吞下。另九节菖蒲二分，绿血珀四分，研末，蜜调，开水送服。复诊：服药后，向之停阻脘间者已降，得便如酱，气移，瘦色甚赤，胸斑犹绽，腹右隐隐板痛，左脉弦数，苔如饭糜。温邪由血络而出，痹而不通，厥气亦有阴窒，以致胃失通降。再清肝降胃，宣气分

半夏一钱五分，和胃通阴阳为君 细生地三钱 生白芍一钱五分
归身一钱五分，以上三味补血润胃为臣 茯神一钱五分 北秫米三钱，包煎
枣仁二钱，以上二味安神宁志为佐 橘皮八分 炙草四分
龙眼肉三分，以上辛甘和阳以纳阴为使

申时煎服，酣眠彻夜，精神顿复。

某，头痛发热，咳嗽喘促，脉左浮数，风温上受，用清解法。

薄荷六分 光杏仁三钱 连翘五钱 象贝二钱 广橘红八分
桑叶五钱 生甘草三分 枇杷叶三大片，去毛净

又，两服，头痛发热顿除，惟略有喘嗽，前方去薄荷，连翘，加栝
蒌皮，紫菀，白前各一钱五分，两服即痊。

《肘后偶钞》

王九峰

风温不可发汗，而亦宜微汗，否则邪从何出。大抵风温之邪从
上有，风温从阳，温化热。上焦近肺，肺先受邪，肺为娇脏，两阳熏
灼，津液受劫。古方有葳蕤汤，以玉竹之甘润滋柔之品以保胃液。俗
医辄投羌活、柴、葛以发汗劫津，共其旨矣。当与辛凉轻剂，清解为
先，议梔豉合凉膈方法。

黑栀 豆豉 萎皮 薄荷 连翘 黄芩 象贝母 杏仁 橘
红 桑叶 梨

《王九峰医案》

张千里

善连杨，前投清肺化邪，清心安神方，诸恙渐退，胃纳亦增，复
因烦劳伤阳，风温乘隙而入，微寒而热，咳嗽又甚，痰多色黄，中央
粉红，气急，头汗，溺尿，舌白脉濡数弦，明属复感，所以诸恙皆来，
急宜清热化邪，毋使喘汗复盛。

西洋参二钱 杏仁二钱 牛蒡子一钱五分 羚羊角一钱五分

苏梗盐水炒，一钱 代赭石先煎，三钱 姜汁山栀三钱 竹半夏一钱半
左金丸绢包，四分 炒枳实二钱 生莱菔子打研，三钱 青皮醋炒，一钱
旋覆花绢包，一钱半 广郁金一钱 栝蒌仁姜汁，三钱 沉香片七分，后下

三诊：温邪挟肝阳犯胃，劫痰上逆，已从表里泄化，化口苦形寒发热，恐其游行三焦，仍宜泄肝和胃，化痰理气治之。

青陈皮醋盐水炒，各一钱 京白芍甘草一分，煎汁，炒，钱半
宋半夏一钱半 粉丹皮一钱半 左金丸绢包，三分 川贝母打，三钱
沉香曲绢包，三钱 姜汁山栀三钱 大杏仁打，三钱 朱茯神三钱
金铃子一钱半 延胡一钱，同打 建兰叶二片 竹茹水炙，一钱半
生莱菔四大片，打，煎汤代水 生蛤壳五钱，先煎 生牡蛎先煎，八钱

四诊：痰湿渐化，脉转细弱，右关略濡，余邪留恋肺胃，不得咳嗽，宜从二便泄化，苔化薄白根糙，气分仍少疏通，肝逆虽平，口苦胃呆，胆火未降，胃浊尚泛，是以化痰理气之中，仍佐清肝和胃。

炒南沙参三钱 川贝母三钱 生蛤壳打，先煎，五钱
生牡蛎打，先煎，八钱 川石斛三钱 带络薄橘红盐水炒，一钱半
黑山栀三钱 东白芍甘草一分煎汁炒一钱半 宋半夏一钱半
大杏仁打，三钱 粉丹皮一钱半 沉香曲绢包，三钱 竹叶二十片
带心莲子七粒 生苡米四钱

五诊：攻导伤正，中阳遂弱，湿痰因之不化，中脘似觉痞闷，脉两气口均数，左脉细弱，右部濡缓，苔根白腻，无阳以化，湿为气阻也。宜扶胃和中，理气化痰治之。

苏梗盐水炒，钱半 白蔻仁研冲，四分 沉香片后下，六分
川通草五分 逍遥丸包，钱半 紫石英先煎，四钱 姜竹茹钱半
玳玳花十朵 半夏曲绢包，二钱 青陈皮盐水炒，各一钱 广郁金钱半
炒枳壳钱半 云茯苓砂仁五分同打，三钱 台参须另煎冲服，三分

自注：溲便通行，所阻在痰气耳，不用消导由此。

又注：此气虚湿滞，胃气失降，脾不健运，脉软弱，苔白不渴饮，尖不绛。断其为气虚湿阴，且二便通行，多汗，气口数，表虚可知，人

陈良夫

张男。初诊：温热之为病也，要不离乎肺胃两经。盖肺主皮毛，胃主肌肉，邪从外受者，必由肺以及胃；邪从内发者，必自胃而传肺。据述形寒身热，循环而作，头或疼而胸或闷，咳痰欠豁，甚则带红，咽痛神烦，易见鼻衄，便下未能通畅脉来弦细滑，右手滑数，苔糙薄黄。此阳明胃经素有伏热，兼之外束风邪，肺气失肃，遂致表里同病，发为温病。考温邪以外达为轻，下行为顺。若郁而失达，必有耗气劫津之变。今舌色红而稍有芒刺，气液已有劫损，苔糙色黄，伏热依然内盛。顾正势必滞邪，祛邪恐其损正，不得不予以留意也。昔吴又可治温病，以汗下清为大法，叶氏专重保津，孟英有阳明之邪，当假大肠为去路之说，拙拟参用诸法，投以宣肺清胃、保津泄热，分达其蕴结之邪，急救其已伤之液，务使正胜邪却，庶无液涸风动神蒙之虑。

淡豆豉 黑山栀 杏仁 杭菊花 象贝母 桑叶皮 连翘
银花 牛蒡子 天花粉 姜皮 鲜石斛

二诊：前从风温痰热劫损津液议治，身热依然间作，咳痰欠豁，便下如酱，入夜略能安寐，神疲肢软，脉来弦细滑数，舌苔糙黄根厚，舌色仍红，刺仍未退，良由肺经留痰与胃经伏热，郁遏熏蒸。痰得热而愈粘，热得痰而愈炽，已损之津液，未无速复，欲求松达痊可，势必尚须时日也。况津伤热逗，证情易多反复，必得加意静摄，庶几稳妥。目前证象，务其表热渐和，咳痰频吐，津液复而苔渐化，斯可日臻佳境。仍拟宣肺化痰，清胃泄热，参入保津之品，祛其邪以顾其正，能得徐生效力为佳。

豆豉 山栀 杭菊 桑叶皮 大连翘 金银花 象贝母 枳壳 杏仁 天花粉 瓜蒌皮 鲜石斛

三诊：身热渐和而咳痰亦豁，纳可神惫，便通又涩，腹常鸣响，脉来弦滑，苔色糙黄，肺经痰热未能遽楚，治宜清宣化降，徐图效

十诊：今日舌心光剥更甚，然服温补甚为合宜。诚以木邪犯土，胃气索然，非崇土何以御木，非益火无以生土。百病以胃气为本，先所急而后所缓，古人程法俱在，毋庸更事旁求。

高丽参 吴萸 乌药 麦冬 白芍 佛手 香附 肉桂 砂仁 郁金 青皮 沉香汁

十一诊：昨夜忽又形寒发热，汗出而退，舌苔渐光，幸色未绛，脉仍左弦右弱，而稍能纳谷，尚无胀满之患。是胃气尚可望其渐醒，否则木横土败矣。

高丽参 麦冬 炙草 乌梅 沉茹 醋炒 青皮 香附 肉桂 白芍 金柑饼 沉香汁

十二诊：入夜寒热竟成疟象。惟纳谷胃虚，舌不生苔，阳气阴津并亏，何堪再加寒热乎。久病邪恋正虚。姑宗何人饮加減。

高丽参 麦冬 辰神 炙草 半夏 制首乌 鳖甲 白薇 煨姜 归身 陈皮 红枣

十三诊：数日来疟虽止而胃气仍然未振，上脘有阻塞之状，大似噎症。总由七情不畅，胃口紧束之故。非温胃疏肝不效。

高丽参 归身 丁香 陈皮 桔梗 砂仁 肉桂 香附 半夏 香椽 苏叶 红枣

十四诊：昨法既合，仍以温胃气以补肝。

高丽参 枣仁 于术 陈皮 代赭石 肉桂 丁香 香附 砂仁 红枣 旋覆花

十五诊：大病后胃虚木旺，故纳谷不馨，尚须怡情养志，药石方能奏功，否则仍虚反复。

高丽参 远志 于术 白芍 辰茯神 砂仁 肉桂 炙草 青皮 枣仁 归身 红枣

戴。湿温病身热三日，再受暑风，致热不得透，肢冷汗出，脉尺数寸濡，神倦似蒙，将有热闭痉厥之象。姑与芳香宣泄，清暑降热。

辰砂拌川连五分 赤苓三钱 川朴八分 益元散六钱

鲜生地四钱 京赤芍一钱五分 黑山栀二钱
 青黛三分 拌玄参心一钱五分 法半夏一钱五分 赤苓三钱 铁皮石斛三钱
 川象贝各一钱五分 梗通草一钱 大知母一钱五分 盐水炒
 栝蒌子一钱 青蒿梗一钱五分 薏仁三钱 橘红一钱 盐水泡
 益元散四钱，包

[注]以后四诊略，共十六诊全愈。

《近代中医流派经验选集》

刘云湖

病者：湖北医专三上学生赵云汉同张显渠来寓求诊，愚望赵而问曰，君病湿温耶？赵言偶有感冒，特请诊焉。即与之诊毕，处以方案云，脉洪涩有力，面黄微赤，舌白灰而滑，微有汗，询之胸闷恶风，寒微发热，小便赤涩，大便微溏，此湿温而挟以风邪。仿《内经》“湿淫于内，治以淡渗，佐以苦温”为治。

处方：羌活、云苓、藿香、黄芩、泽泻、苍术各三钱 萆薢二钱五分
 半夏二钱 桂枝一钱五 灯芯三只

效果：越数日赵来上课，称病已愈，然面黄尚有余湿，与淡渗药调理而安。

理论：当诊毕时，张显渠问曰，先生一见面，未诊其脉，何以知其为湿温也？值此春阳大盛之际，又何以敢服羌活至三钱之多，桂枝至一钱五分之重也？愚曰，有法在。凡为医者，须四诊俱备，方为活泼。故未诊时，必察言观色，临诊时细问病因，合以病情，方有把握。诊毕嘱其如何服药，如何调理，此为三大要诀。赵君来时，面色黄，此湿也，黄而眉额带红，此热也，似有微汗，挟风也。合而观之，湿温风三者具有，故知为湿温也。若徒湿无湿以兼之，则面但赤而不黄，风湿则汗多而恶风必甚。此所以知其为湿温也，不然羌活桂枝何敢用三钱或一钱五分之多？实因湿邪之可据也。

病者：孙孝坪年近五旬，为太和栈主人。

淡竹叶 6克 元参 12克 川斛 12克 茯神 15克 灯芯 1束

四诊：神清，入夜酣寐，下肢已能伸缩，小溲已利，午后仍有低热，渴不多饮，不思纳谷，时有干呕，脉象细缓。再清余热，佐以养胃。

陈青蒿 6克 佩兰 6克 川石斛 12克 苡仁 9克 赤茯苓 12克
天花粉 9克 盐水炒橘红 6克 蔻仁 3克，拌，包
盐水炒细生地 18克 盐水炒刀豆子 9克 生鳖甲 24克，先煎

五诊：胃气渐苏，纳谷见增，胸闷干呕已除，小溲亦得畅通，脉细而缓。前方既效，增减续进。

陈青蒿 6克 佩兰 6克 炒麦芽 12克 蔻仁 3克，拌，包
茯神 12克 炒香豉 5克 炒上潞参 6克 麦冬 12克
生鳖甲 15克，先煎 杜仲 15克 炒橘红 5克

章男，六十八岁。八月。绍兴。伏湿秋发，且有痰伏，初起失治，湿从热化，伤气灼津，痰热胶结，深扰心营，神识昏迷，语言难出，气促痰鸣，癰痂亦见，脉沉细而滑，舌燥，有内闭外脱之虑。亟拟开窍豁痰，兼予扶正。

牛黄至宝丹 1粒，先化吞 别直参 5克，先煎 鲜石菖蒲根 15克
川贝 12克 青连翘 9克 陈胆星 2.1克 青黛 0.6克 拌蛤壳 18克
白毛化橘红 5克 冬瓜仁 9克 广郁金 3克 钩藤 9克
姜汁炒竹茹 9克

二诊：昨方服后，白痞初露，喉间痰鸣已杳。而昏迷依然，癰痂未定，脉来细数，舌苔燥黑。气阴大伤，邪势仍张，再拟清营增液，开窍豁痰。

牛黄至宝丹 2粒，分化吞 西洋参 6克，先煎 麦冬 12克
元参 12克 鲜生地 24克 带心连翘 12克 川贝 9克 人中黄 5克
紫丹参 12克 鲜芦根 30克，去节 白毛化橘红 6克

三诊：前方服后，神识转清，身热顿减，癰痂亦定，脉象较前有神，而苔燥如故。蕴伏之邪渐透，气液耗伤未复，治以原法以裁。

花粉钱半，糯稻根三钱，碧桃干三枚，保和丸钱半。七诊：晡热，汗出后形寒；鼻气向本灼热，转为寒气，嗅则觉臭味如泥；黄昏后寐汗觉冷如水，放而不收。按脉虚软不敛，自觉头眩床动，有亡阳之征（忆《伤寒兼证析义》有云：“平素易汗者不宜发汗。”尝见阴虚盗汗者不得汗则干热，汗出则足冷戴阳；阳虚自汗者发汗则恶寒不食，甚至冷汗厥脱）。观沧之症，素有梦遗则精伤，积滞便泄则气伤，大汗则血伤，三乾俱竭，脱症堪虞（又按何订《广温热论·夹肾虚》云：“温热必待汗下清而后解，阴虚者一经汗下清，则脱绝之症随见。”即此证也）。矧明日立冬，今日四绝乎！台参一钱，野台党五钱，薤白术三钱，红枣三枚，煮服，汗即陡止。晨服参苓白术丸二钱，痛泄顿止。八诊：昨晚伏邪将清，竟转寒化，阳从汗脱，幸发觉早，即以参、术补救。当汗出不收之时，竟有振振欲擗地之象，险状可危。再扶元固表，益以运中。野台参五钱，野于术三钱，淮小麦一两，糯稻根五钱，炒白薇八分，冬虫夏草五分，生谷芽三钱。资生丸三钱，先服。九诊：热止汗定，午餐后饱胀殊甚，是亦脾虚不运也。盐水炒陈皮一钱，鸡内金钱半，扁豆衣三钱，炙甘草五分，甘松五分，谷麦芽钱半，研末，食后冲服三四分。脘阻饱胀循止，加以食疗，常服健脾丸，全愈。按伏邪至于鼻烁见衄，暑淫甚矣。因先天不足，向有遗泄，阴阳两亏，未曾过表过清过下，矧在青年，邪解竟有脱征，可不慎欤！《医通》中谓阳虚者汗之，额上与手背冷汗不止而上脱；下之，则呕啰暴下不止而下脱。并一再申戒，可资借鉴。

淑仪女，住荣巷。因乡间蚊多，楼居伏暑。癸酉七月初七日诊：寒热间日轻重，热炽汗少，懊闷不眠，已经一候，渴饮五热水瓶。张医专燥湿，用清脾饮加蔻仁至一钱。脉数舌干，伏热将内袭矣。余赴乡诊治，疏薤、滑、通、藿、郁、赤苓神、青皮、连皮槟、川楝、丹皮、黄芩。另太乙丹四分，九节菖蒲二分，辰砂一分，血珀四分，以展枢机，引湿下行。另与七液丹一方，开水浸化，与末药同服。三合济生丸钱半，预先吞服。外治用桑叶、薄荷、葱、姜，煎水熏足，导热下趋。

先硬后濡。虽十余日方下，非阳明腑实，不过气分之结。浮游之热原可由渐而解，但志意忽感不乐，心烦虑乱，神思不宁，寐不得安。阳不肯藏，致五内尚觉炎热，热时面光准赤，口舌干燥。心藏神，舌固心之窍也。然弦数之脉较退，濡细而来去颇清，似属病机向愈之征。既非变病加病，何为多忧多虑。苟能清虚静泰，少思寡欲，虽有贼邪，莫之能害矣。

西洋参一钱五分，另炖冲 丹参二钱 生薏仁四钱 川贝母一钱五分
金钗斛三钱 海蛤粉三钱，包 炒香白薇二钱 野茯苓三钱
银花三钱 建兰草三钱 糯稻根须一两，煎汤代水煎药

五诊：脉来濡弱，已颇纯和。浮游之热亦已净尽。舌薄且淡，液亦渐回，面容亦甚清亮。病机业已获愈。午后环脐微痛，旋即泄气而痛就瘳，肠腑之悍气得由此而泄。再以清理胃阴为坚避清野之计。静心摄养，自然日臻康泰矣。

西洋参一钱五分 野茯苓三钱 生薏仁四钱 川贝母一钱五分，去心
金钗斛三钱 建兰草二钱 广皮白一钱五分 海蛤粉三钱，包
炒杭白芍二钱 消炙甘草一钱 生谷芽四钱

《近代中医流派经验选集》

陈良夫

王男。六气之伤人也，惟燥与火为最烈。燥得秋气，火得夏气，二者最易劫损津液。治之之法，与风湿、湿温大有区别，未可以汗下清三法，拘为绳墨也。据述妆起微恶风寒，继转体子灼热，经旬日而未见退凉，亦不壮热，并无汗泄，唇燥口干引饮，肌肤时有刺痛，溲赤短涩，纳食式微，苔花糙，舌尖起刺，脉象细滑而数，左手兼弦。凭症因以参苔脉，当属秋令燥气，郁结肺卫，津液受其劫损，显然可知。其耳鸣欠聪，兼有咳呛，头痛脘痞等，亦为燥气伤人之见证。古云，燥与火高同气，燥从火化，火盛则伤津动风。今燥热不退，肺胃之津液受其劫损，所幸内风未动，尚少变态，若迁延日久，恐非佳

病名：中暑。

原因：素因血虚肝热，外因猝中暑风，一起即头独摇，故世俗称为摇头痧。

证候：手足麻木，甚则瘈瘲，不能起立，立即晕倒。

诊断：脉弦小数，舌红兼紫，脉症合参，此暑风直中肝经，张司农所谓暑邪入肝则麻木，甚则手足瘈瘲也。

疗法：治风先治血，故以鲜地、归身，清营行血为君，木瓜泄肝舒筋，碧玉清肝消暑为臣，佐以蒺藜、荷梗，祛风活络，便以连芽桑枝，清络熄风也。

处方：鲜生地六钱 白归身一钱 宣木瓜一钱 白蒺藜二钱
碧玉散三钱，荷叶包，刺细孔 鲜荷梗七寸 连芽桑枝二尺，切寸

效果：一剂即麻木除，两剂瘈瘲亦定，后以鲜莲子汤，调理三日而痊。

廉按：暑风直中肝经者，乃中肝藏之交感神经也。病症与暑中头脑筋，大致相同。法从张畹香前哲成方加减，却是清肝熄风之意，惟羚角清泄神经，决不可少。

薛福生，年廿三岁，住绍兴昌安门外松林。

病名：中暑。

原因：夏至以后，奔走于长余赤日之中，前一日自觉头目眩晕，鼻孔灼热，次日即发剧烈之病状。

症候：身热自汗，神识昏蒙，不省人事，牙关微紧，状若中风，但无口眼喎斜等症。

诊断：脉弦数，舌鲜红无苔，此暑热直中脑经，即日医所谓日射病也。前一日头晕目眩，即次日病发昏厥之端倪，前哲谓直中心包者非。

疗法：直清脑热为首要，先以诸葛行军散搐鼻取嚏，继以犀、地、紫雪为君，桑、丹、益元，引血热下行为臣，佐以银、翘，清神识以通灵，使以荷花露，消暑气以退热也。